

# Negociacion cu Exxon a tranca

*No por yega ariba un areglo encuanto Sero Colorado*

ORANJESTAD(AAN) -- Ministro Mansur a duna di conoce na DIARIO cu den e acuerdo di desmantelacion cu Exxon, Gobierno a tuma e partinan cu ainda por worde usa.

Den e caso aki Gobierno a tuma e powerhouse cu por genera coriente y e dos piernan pa asina trata di trece actividad na San Nicolas.

Recientemente un barco di guerra Americano a mara na e

waf na San Nicolas. Ministro Mansur a enfatisa cu ora nan tin tur cos bao control, lo trata di laga algun barco di turista mara na San Nicolas tambe.

Te ainda tin discusionnan andando encuanto si ta muda WEB si of no.

Ministro Mansur su punto di bista ariba e mudamento ta cu si muda WEB ya tin un base cu por cuminsa traha ariba mientras cu si no muda esaki

por reactiva e powerhouse pa e fungi como un "standby unit" cu den caso di emergencia por worde usa te ora cu caba di drecha e fayo tecnico.

Pa loke ta trata e edificio di Coruba cu tambe ta inclui den e acuerdo cu Exxon, Ministro Mansur ta kere cu e edificio aki ta sumamente adecua pa establecimiento di un industria.

Un traspaso cu lo tuma lugar ariba termino cortico ta e terminal di transshipment. Segun

Ministro Mansur tin diferente compania interesa den e terminal di transshipment y actualmente Gobierno ta negociando cu un di e companianan.

Segun Ministro Mansur e negociacionnan ta bayendo den bon direccion y e ta spera cu dentro di un luna lo por haya claridad den esaki y probablemente lo yega na un areglo cu lo reactiva e terminal di

transshipment.

Actualmente e negociacionnan cu Exxon a pega basta formal ya cu tin un diferencia di pensamiento pa cu Sero Colorado.

Pa loke ta trata e negociacion cu a tranca Ministro Mansur a duna di conoce cu Gobierno no a bay di acuerdo cu e pensamiento di Exxon ariba Sero Colorado y esaki a causa cu no a sigui negocia.